0.0.1 sarakānisuttam

- 1. ekam samayam bhagavā sakkesu viharati kapilavatthusmim nigrodhārāme. tena kho panasamayena sarakāni¹ sakko kālakato hoti. so bhagavatā vyākato sotāpanno avinipātadhammo niyato sambodhiparāyaṇo'ti. tatra sudam sambahulā sakkā saṅgamma samāgamma ujjhāyanti, khīyanti, vipācenti: "acchariyam vata bho abbhutam vata bho, etthadāni ko na sotāpanno bhavissati, yatra hi nāma sarakāni sakko kālakato so bhagavatā vyākato sotāpanno avinipātadhammo niyato sambodhiparāyaṇo'ti. sarakāni sakko sikkhādubbalyamāpādi, majjapānam apāyī"ti.
- 2. atha kho mahānāmo sakko yena bhagavā tenupasaṅkami. upasaṅkamitvā bhagavantaṃ abhivādetvā
 ekamantaṃ nisīdi. ekamantaṃ nisinno kho mahānāmo
 sakko bhagavantaṃ etadavoca: "idha bhante, sarakāni sakko kālakato. so bhagavatā vyākato sotāpanno
 avinipātadhammo niyato sambodhiparāyaṇo'ti tatra sudaṃ bhante, sambahulā sakkā saṅgamma samāgamma
 ujjhāyanti khīyanti vipācenti: "acchariyaṃ vata bho,
 abbhutaṃ vata bho, etthadāni ko na sotāpanno bhavissati. yatra hi nāma sarakāni sakko kālakato, so
 bhagavatā vyākato "sotāpanno avinipātadhammo niyato sambodhiparāyaṇo"ti, sarakāni sakko sikkhādubbalyamāpādi, majjānaṃ apāyī"ti.

 $^{^1}$ saraṇāni-machasaṃ.

bjt page 192

- 3. yo so mahānāma, dīgharattam upāsako buddham saraṇam gato, dhammam saraṇam gato, saṅgham saraṇam gato so katham vinipātam gaccheyya. yam hi tam mahānāma, sammāvadamāno vadeyya, dīgharattam upāsako buddham saraṇam gato, dhammam saraṇam gato, saṅgham saraṇam gato'ti sarakānim sakkam sammā vadamāno vadeyya sarakāni mahānāma, sakko dīgharattam upāsako buddham saraṇam gato, dhammam saraṇam gato, saṅgham saraṇam gato. so katham vinipātam gaccheyya?
- 4. idha mahānāma, ekacco puggalo buddhe aveccappasādena samannāgato hoti: "itipi so bhagavā araham sammā sambuddho vijjācaranasampanno sugato lokavidu anuttaro purisadammasārathī satthā devamanussānam buddho bhagavā"ti. dhamme aveccappasādena samannāgato hoti: "svākkhāto bhagavatā dhammo sanditthiko akāliko ehipassiko opanayiko paccattam veditabbo viññūhī"ti. saṅghe aveccappasādena samannāgato hoti: "supatipanno bhagavato sāvakasangho, ujupatipanno bhagavato sāvakasangho, nāvapatipanno bhagavato sāvakasangho, sāmīcipatipanno bhagavato sāvakasangho, yadidam cattāri purisayugāni atthapurisapuggalā esabhagavato sāvakasangho āhuneyyo pāhuneyyo dakkhineyyo anjalikaraniyo anuttaram punñakkhettam lokassā'ti hāsupañño² javanapañño vimuttiyā ca samannāgato. so āsavānam khayā anāsavam cetovimuttim paññāvimuttim dittheva dhamme sayam

pts page 376

²hāsapañño-machasam, syā.

abhiññā sacchikatvā upasampajja viharati. ayampi kho mahānāma, puggalo parimutto nirayā, parimutto tiracchānayoniyā, parimutto pettivisayā, parimutto apāyaduggativinipātā.

idha mahānāma, ekacco puggalo buddhe aveccappasādena samannāgato hoti: "itipi so bhagavā araham sammā sambuddho vijjācaranasampanno sugato lokavidu anuttaro purisadammasārathī satthā devamanussānam buddho bhagavā"ti. dhamme aveccappasādena samannāgato hoti: "svākkhāto bhagavatā dhammo sanditthiko akāliko ehipassiko opanaviko paccattam veditabbo viññūhī"ti. saṅghe aveccappasādena samannāgato hoti: "supatipanno bhagavato sāvakasangho, ujupaţipanno bhagavato sāvakasangho, ñāyapaţipanno bhagavato sāvakasangho, sāmīcipatipanno bhagavato sāvakasangho, yadidam cattāri purisayugāni atthapurisapuggalā esabhagavato sāvakasangho āhuneyyo pāhuneyyo dakkhineyyo anjalikaraniyo anuttaram punñakkhettam lokassā'ti hāsupañño javanapañño na ca vimuttiyā samannāgato. so pañcannam orambhāgiyānam samyojanānam parikkhayā opapātiko hoti. tattha parinibbāyī anāvattidhammo tasmā³ lokā. ayampi kho mahānāma, puggalo parimutto nirayā, parimutto tiracchānayoniyo, parimutto pettivisayā, parimutto apāyaduggativinipātā.

³asmā lokā-syā. bit page 194

- idha pana mahānāma ekacco puggalo buddhe aveccappasādena samannāgato hoti: "itipi so bhagavā araham sammā sambuddho vijjācaranasampanno sugato lokavidu anuttaro purisadammasārathī satthā devamanussānam buddho bhagavā"ti. dhamme aveccappasādena samannāgato hoti: "svākkhāto bhagavatā dhammo sandiţţhiko akāliko ehipassiko opanayiko paccattam veditabbo viññūhī"ti. saṅghe aveccappasādena samannāgato hoti: "supatipanno bhagavato sāvakasangho, ujupatipanno bhagavato sāvakasangho, nāvapatipanno bhagavato sāvakasangho, sāmīcipatipanno bhagavato sāvakasangho, yadidam cattāri purisayugāni atthapurisapuggalā esabhagavato sāvakasangho āhuneyyo pāhuneyyo dakkhineyyo anjalikaraniyo anuttaram punñakkhettam lokassā'ti. " na hāsupañño na javanapañño na ca vimuttiyā samannāgato, so tinnam samyojanānam parikkhayā rāgadosamohānam tanuttā sakadāgāmī hoti sakideva imam lokam āgantvā dukkhassantam karoti. ayampi kho mahānāma, puggalo parimutto nirayā, parimutto tiracchānayoniyo, parimutto pettivisayā, parimutto apāyaduggativinipātā.
- 7. idha pana mahānāma ekacco puggalo buddhe aveccappasādena samannāgato hoti: "itipi so bhagavā arahaṃ sammā sambuddho vijjācaraṇasampanno sugato lokavidu anuttaro purisadammasārathī satthā devamanussānaṃ buddho bhagavā"ti. dhamme aveccappasādena samannāgato hoti: "svākkhāto bhagavatā dhammo sandiṭṭhiko akāliko ehipassiko opanayiko paccattaṃ

veditabbo viññūhī"ti. saṅghe aveccappasādena samannāgato hoti: "supaṭipanno bhagavato sāvakasaṅgho, ujupaṭipanno bhagavato sāvakasaṅgho, ñāyapaṭipanno bhagavato sāvakasaṅgho, sāmīcipaṭipanno bhagavato sāvakasaṅgho, yadidaṃ cattāri purisayugāni aṭṭhapurisapuggalā esabhagavato sāvakasaṅgho āhuneyyo pāhuneyyo dakkhiṇeyyo añjalikaraṇīyo anuttaraṃ puññakkhettaṃ lokassā'ti. "na hāsupañño na javanapañño na ca vimuttiyā samannāgato. so tiṇṇaṃ saṃyojanānaṃ parikkhayā sotāpanno hoti avinipātadhammo niyato sambodhiparāyaṇo. ayampi kho mahānāma, puggalo parimuttā nirayā, parimutto tiracchānayoniyo, parimutto pettivisayā, parimutto apāyaduggativinipātā.

8. idha pana mahānāma ekacco puggalo na heva kho buddhe⁴ aveccappasādena samannāgato hoti: "itipi so bhagavā arahaṃ sammā sambuddho vijjācaraṇa-sampanno sugato lokavidu anuttaro purisadammasārathī satthā devamanussānaṃ buddho bhagavā"ti. dhamme aveccappasādena samannāgato hoti: "svākkhāto bhagavatā dhammo sandiṭṭhiko akāliko ehipassiko opanayiko paccattaṃ veditabbo viññūhī"ti. saṅghe aveccappasādena samannāgato hoti: "supaṭipanno bhagavato sāvakasaṅgho, ujupaṭipanno bhagavato sāvakasaṅgho, ñāyapaṭipanno bhagavato sāvakasaṅgho, yadidaṃ cattāri purisayugāni aṭṭhapurisapuggalā esabhagavato sāvakasaṅgho āhuneyyo pāhuneyyo dakkhiṇeyyo añjalikaranīyo anuttaram puññakkhettam lokassā'ti. " na

⁴puggalo na heva kho buddhe-machasam, puggalo buddhe-bjts.

hāsupañño na javanapañño na ca vimuttiyā samannāgato, api cassa ime dhammā honti saddhindriyam viriyindriyam satindriyam samādhindriyam paññindriyam. tathāgatappaveditā cassa dhammā paññāya mattaso nijjhānam khamanti. ayampi kho mahānāma, puggalo agantā nirayam, agantā tiracchānayonim, agantā pettivisayam, agantā apāyaduggativinipātam.

idha pana mahānāma ekacco puggalo na heva kho buddhe⁵ aveccappasādena samannāgato hoti: "itipi so bhagavā araham sammā sambuddho vijjācaranasampanno sugato lokavidu anuttaro purisadammasārathī satthā devamanussānam buddho bhagavā"ti. dhamme aveccappasādena samannāgato hoti: "svākkhāto bhagavatā dhammo sanditthiko akāliko ehipassiko opanaviko paccattam veditabbo viññūhī"ti. sanghe aveccappasādena samannāgato hoti: "supatipanno bhagavato sāvakasangho, ujupatipanno bhagavato sāvakasangho, ñavapatipanno bhagavato savakasangho, samīcipatipanno bhagavato sāvakasangho, yadidam cattāri purisayugāni atthapurisapuggalā esabhagavato sāvakasangho āhuneyyo pāhuneyyo dakkhineyyo anjalikaranīyo anuttaram puññakkhettam lokassā'ti. " na hāsupañño na javanapañño na ca vimuttiyā samannāgato, api cassa ime dhammā honti saddhindriyam viriyindriyam satindriyam samādhindriyam paññindrivam. tathaqate cassa saddhamattam hoti, pemamattam. ayampi kho mahānāma, puggalo agantā nirayam, agantā tiracchānayonim, agantā pettivisayam,

⁵puggalo na heva kho buddhe-machasam, puggalo buddhe-bjts.

agantā apāyaduggativinipātam.

10. ime cepi mahānāma, mahāsālā subhāsitam dubbhāsitam ājāneyyum, ime cāham mahāsāle vyākareyyam: "sotāpannā avinipātadhammā niyatā sambodhiparāyaṇā"ti. kimaṅga pana sarakānim sakkam. sarakāni mahānāma, sakko maraṇakāle pana sikkhamā samādiyīti.

 6 maraṇakāle sikkhaṃ-machasaṃ, syā. bjt page 196